

亦有生齋集文卷第十七

武進 趙懷玉 億孫

墓誌銘

處士方君墓誌銘

處士諱霖字遜一一字雪屏其先本歙人祖某遷浙江之石門遂家焉處士性伉爽七歲卽能解衣衣同塾子及長至性過人以序爲仲父後嗣父歿喪祭如禮遭本生考妣喪哀毀致疾三載始瘳於是舍舉子業出游四方儻慕自喜不飾邊幅爲詩風氣日上六法四體靡不殫究人以科名相勗泊如也諸兄議析產處士方在玉溪讀書招之弗往曰事有長者存諸兄必不欺我族鄙太息以爲六郎不可及六郎者同懷

六人齒最後也鄰家被火盡出粟帛施之嘗有客假裘踰年
僅歸質帖迺別典物以贖道遇前客寒甚仍出袖金授之而
歸生平好書畫彝器之物雖蒼黃水火必以隨獨於友朋急
難不稍靳居城中樸園疏泉壘石盡得意致所交多知名士
尤喜方外交人有乞其作畫者日數十紙無倦色嘗得倪元
鎮水墨拒霜圖搆墨夫容樓貯之又築滌研山房以藏所蓄
古研其好尚類此每遊素歲月不返一日待伴江渚有金山
僧攜瓢放舟將汲中冷泉煮茗忻然與之俱去其徒踪跡至
寺處士坐蒲團燈影下已成五言詩十數韻矣家故少裕旣
浪遊日益耗不屑屑以空乏爲念客至款洽如初以乾隆二
十七年壬午夏卒於梅里古南禪院年四十九娶陸氏曹氏

皆有賢名子三人長薰能世其學君歿後貧不克葬厝於某鄉又八年己丑始卜吉於桐鄉郭公橋之新阡生平爲詩不自檢拾薰哀其遺草僅得如干首蕭寥冲澹中時有一往而深之致篇雖不富必傳於世無疑也銘曰
引老取荒包之義乎保性避責統之志乎人第知其幼好奇服不知行之爲子弟鵠也

故廣西恭城縣知縣署百色同知陸君墓誌銘

君姓陸氏諱廣霖字用賓一字補山遠祖福明都督同知賜第居常州遂爲武進人曾祖三松府學生祖廷焯縣學生考載起考授州同君少穎悟多智畧然善病而弱年十四始屬文君祖視之畀以牙尺曰他日此孫當衡量斯文者自爲制

舉業盡夕攻苦題無難易操管立就嘗客都門歷六十七日
構七百二十三藝見者無不驚服乾隆三年以國子監生應
順天鄉試中五經舉人明年成進士入二甲以知縣卽用方
需次在都座主故大學士蔣文恪公延課其子或有屬君關
說於文恪者願奉千金爲壽君力拒之文恪因益契重五年
正月遷福建之連城有余氏兄弟三人孟與叔後皆鼎盛合
建宗祠以仲後單寒誣其已爲人後不得入主仲之後鴻漸
者縱火焚祠遂相刳殺然鴻漸實無死法惟受嚴刑而已君
至視其贖趣召兩造集於庭以情諭之聲淚俱下衆感且悔
卒送主入祠後君去官鴻漸涕泣相送逾年將移寧化會檄
勘寧化橋工有士人袖文謁見詢其地風俗知有缺尺會其

徒兇黠犯之家立破碎因籍其姓氏居址以歸及下車適逢編審畱會首劉席玉令勿去俟其魁數人集乃召胥役中之嘗入其黨者雜鞠之復遣人密偵其黨諸犯倉猝被擒皆欵服論如律者十四人餘勿問建寧下泉里邱氏聚居有積爲盜賊者已十餘年縣官不能誰何賊雖獲物主莫敢問檄兵往捕聞賊吹笳聲相率遁去君乃設廣筵延邱氏之諸生舉酒屬之曰家有圯族之子教之不先擒之又不力咎將誰誘乎衆皆起曰諾卽歛金爲搆緝費不二旬積盜皆獲七年夏旱米翔貴君諭富民出糶而不許多減其值以待四方來者姦民喧言米貴由令鳴金入署執洵洵君率家人挺身出闕署門命悉擒之民不敢譁是歲因平糶致闕者十三縣長吏

多受辱民亦株連不少焉黃家峒黃氏人多獷悍嘗遣役有
所擒治役難之君曰無畏彼或不率吾當親送至則其家已
槓梏以待其先聲奪人如此八年奏調臺灣之彰化初劉甲
有蕉園廖乙牛踐之因格鬪劉黨傷者廖氏願爲醫療旣皆
就瘡有二人忽不歸劉訟廖致死究詰至再迄無端倪君至
首詣起事之家反復驗勘見宅後地數弓土微赤中植芭蕉
試拔之應手起復試他樹則堅不可動時方久雨竹葉有焦
色疑而鋤之果得人骨蓋被傷者載回皆分療不令相聞一
人傷重死焚之滅迹及第二人死照火光上燭不敢復焚磔
其屍棄於海耳未幾以宣化讞上遲延部議革職督撫連章
保之有

旨仍以彰化知縣用縣設於雍正四年當其初圉圉空虛官
吏無事及君再至評訟日繁以盜牛殺人者尤夥君虛衷研
鞠不以爲倦虎尾溪地遼曠爲刦奪藪君請添設一丞以資
彈壓臺多漳泉兩郡人素不協一日集市中漳民誤以火灼
泉民泉民怒歸告其黨俄頃糜至時君赴淡水乘間肆刦市
爲之空君念首罪固難原然無辜之累必不免亟傳兩郡民
委曲勸諭令泉民盡償所毀之物仍痛懲之兩郡之民咸悅
服終君任訟幾息及俸滿將行巡道某以彰化多鴨寮康熙
間叛賊朱一桂卽飼鴨者恐爲患使善處之始準內渡君曰
此臺民素業若因是致疑則耕者叛將廢耕乎審年貌令鄰
佑互結足矣宜德縣東湖三面竝海向有隄捍衛自沒於倭

寇邑日蕭索士民請於官願捐貲更築費且鉅萬而工不就
大吏檄君往督仿河工下掃法治之齋宿天后宮焚疏籲禱
夢神示異兆工遂以蒞移順昌嚴隱糧之弊使民自首民不
敢欺請於學使復歲科兩試府學分取之額邑人省試久未
中式諸生咎初建學宮時擇日不利欲重修君曰諸生盍自
反命豈懸於土木哉乃嚴立講院程課日自校之踰年而三
人獲僞辛酉庚午壬申嘗三與同考得人頗盛桂林陳文恭
公撫岡尤極引重君臚十二事陳之多見施行十二事者崇
貢院通水利整橋梁裕積貯廣郵亭興煤廠端士習嚴械關
禁圍積廢闢神戒溺女止燒山也十八年陳公保舉知府引
見記名再羅更議再以知縣用旋丁太孺人憂免喪揀發廣

西補恭城知縣攝百色同知精敏一如治閩時有周甲與二人夜行爲鎗所殞同行者驚避黎明走報汎兵屍已不見前官因是被劾君喚周甲之子徐問之曰汝父故與人有隙耶其子初諉不知旣而曰有舊僕某家頗饒父每向假貸積有隙或卽其人乎乃召周甲所宿逆旅主人詰之則曰僕於數日前嘗屬周若宿此盡通一耗某不察實往告之君恍然曰賊在是矣立械僕至一訊而服蓋是夜僕與其弟候之中途周旣死剖腹置石投之河中至是獲屍沈寃遂雪百色界連雲南有地數頃田岑二土官互執爲己業歷久不決君奉檄履勘知爲岑氏產毅然斷歸田氏無怨言君旣敷歷閩粵輿革利弊知無不爲尤善折獄凡數十年積讞得君剖之獄乃

定上官倚如左右手方駸駸日起爲同官牽連罷職人咸惜之既家居一意文酒所居後圃蒔花疊石署曰簡園日與知交酣飲其中有以文字質者欣然論析終日忘倦懷玉素不善制舉文君獨亟賞之辛卯秋試還君視其文謂必售及報罷爲之太息淚下烏庠可感也已君生於康熙四十五年十月初二日卒於乾隆四十五年六月二十四日年七十有五配孺人高氏繼配孺人莊氏並有樹德先君卒葬孝仁鄉方基村子五繼襲雲南平彝縣知縣繼萇河南登封縣知縣繼皐國子監生繼裴爲君弟廣森後繼皐繼裴先君卒繼輅女五史洽和湯康業蔣重耀儲一松黃楚蘭其婿也孫八人濯遷耀選耀速耀達耀進耀適耀遠耀遜曾孫六人將以乾隆

五十三年十一月合葬於方墓村兩孺人之塋禮也繼襲以志墓之文爲請懷玉辱君知最早不敢以不文辭謹爲之銘曰

茫茫七閩嶺難撫綏或戢以兵君以鞭笞患弭未形克鎮倉卒人亦有言徒薪山突平其訟獄光我庠序士歌於鬻農拊於野移車桂嶺厥治從同奪邑三百人亮其公水懦火烈胥以濟惠情乎驥足再起而躡凡百郡縣盍來取斯安得百君徧置有司

繆鈞揆墓誌銘

歲甲辰懷玉居京師每得故鄉一書輒有親懿死喪之戚書來至不敢啟視最後乃得吾鈞揆之訃方欲搆一傳誌致其

哀思乃未幾而不孝亦奉先宜人之諱歸里矣偷息居廬不能有所譔述越二年鈞揆葬且有日鈞揆父芳年先生條其事以示曰知之深者莫子若子其銘之烏虜余而忍銘鈞揆之墓乎鈞揆姓繆氏諱璟室嘗產芝又號芝田自明以來忠孝科第相望曾祖彤翰林院侍講祖曰藻司經局洗馬父芳年先生遵義乾隆丁巳進士不樂仕進多隱德於鄉鈞揆生有至性五歲卽與父同卧起出入必隨侍父疾尤謹方七八歲時塾師嘗以月鏡還非鏡五字屬對卽應聲曰荷珠不是珠師大奇之洗馬君於諸孫中愛憐殊至後遇諱日終身不御酒肉異母兄弟三人友愛靡間時人以爲難芳年先生遂於醫一時大吏競相延致鈞揆輒隨往動容中萬大吏嘖嘖

羨制府某公欲壻之聞其已聘而止稍長工詩文喜法書名畫家故富藏弄日三摩挲見當世之能書者必力購之後已以國子監生屢就省試弗售意殊不自得癸卯冬

天子將六巡江浙士之獻賦者爭自濯磨學使者例於歲前檄試拔其尤而後貢之鈞揆名在第二明年春

駕幸江寧距試期三日矣遭民母喪遂不果試衆咸惜之居喪能致於禮旣卒哭侍芳年先生寢處未嘗入內卒以憂致疾疾革時以不得終事其父與生母爲憾擇從兒某之子桐輝後焉鈞揆美風儀長身玉立衣帽蘊藉居處修整有謝覽王思遠之風喜結交知名士與人言婉而直於予相知頗深烏虜人見鈞揆少年高才好自藻飾以爲翩翩佳公子而不

知其內行之醇有大過人者在也鈞揆生於乾隆二十三年二月初三日卒於乾隆四十九年七月二十八日年二十七娶趙氏翰林院待詔諱覲男女余從妹也有淑德今耐葬焉繼娶嚴氏翰林院編修福女子卽桐輝女二未字銘曰謂兆之弗祥而華芝之旣生謂才與命妨而至性亦彰茫茫者遼耶鬱鬱者城耶曾斯人而我銘其臧耶

正二品廕生陳君墓誌銘

君諱善詒字傅孫其先出高氏遠祖榮自明洪武間蒙母姓陳遂爲海鹽望族祖諱元龍 太子太傅文淵閣大學士謚文簡考諱邦直翰林院編修加侍讀銜陳與吾家故有連先祖副使府君轉運兩浙稔其家法遂以女歸君時乾隆己巳

歲也君性湛默弱不好弄有兄曰光厚文簡公巡撫廣西時
得二品廕生光厚殤乃以君奏請襲廕雖荷門基雅不欲由
任子進肆力爲帖括之文侍讀君晚好絲竹家有小部每奏
伎家人咸就觀賞君手一編若弗聞所居安澗園花木之勝
甲於浙西累月始一經涉餘恒燕坐室中懷玉歲必過謁則
與偕游曰非子來余且不復至也然屢試有司不售嘗奉侍
讀君命一詣京師補廕繼念親春秋高需次且久遂束裝歸
君好飲間爲小詩點筆作花鳥皆有致亦通岐黃家言余姑
歿年已逾四十尙無子居恒鬱鬱竟以憂歿君卒十一年始
以從父兄子孝綏爲後方君之卒也吾父命懷玉爲文哭之
後侍讀君及君弟相繼卒哀誄之文皆出余手蓋僅十年爾

未嘗不嘅親懿凋落而高門世祚之忽焉而衰有非人力所能扞禦者今觀孝綏立志不苟則剝極而復或在於是未可知也君卒於乾隆四十年八月十八日年四十有六配安人趙氏有相德於諸姪中視懷玉尤厚前君二年卒妾孫氏矢志不更適孝綏國子監生女子子一嫁武進監生趙球玉懷玉同產弟也某年月日孝綏將奉君及安人之柩卜葬於某原之新阡乞銘其墓白虎通父族四父女昆弟適人有子居其一故外兄弟服總而姑之夫則無服蓋無所推也然人情於少小所周浹者則加篤若姑之夫及舅之妻從母之夫皆緇於服而餘於情者也銘曰

厥先代豐齎厥躬兮厥封厥坎久斯臨兮兒子猶子五世同

今傳重繼嗣罔盡心兮

汪振行墓誌銘

汪君振行既卒之逾年諸孤多以貧客於外第三子尙輝塋
經踵門稽首而言曰君知先子深身後之文匪君莫屬今雖
權厝卜葬不遠及君在里敢以誌墓爲請君於予爲兩世交
無以辭也君諱廷栻振行其字世居徽州之休甯自五世祖
一桂始遷武進遂爲武進人考諱鳳池以第五子廷楷官同
知例贈奉直大夫母余氏例封太宜人奉直君歿君理家無
改其道獨與弟奉母居初君入貲當選縣丞後諸兄皆宦游
或勸之仕則以將母辭余太宜人七子五女內外期功之親
幾二百人里鄙稱爲人瑞君亦若將終身曰使長若此愈於

鼎鍾萬萬矣兄弟六人憂樂與共撫兄子照迄於成立見人之子弟必以讀書制行爲最所延塾師皆邑中耆宿待之必盡禮故一時知名士多樂與之交生平尤篤友誼殉人急難而不責報坐是負累日甚中歲益貧親喪猶有待之舉火者遇義舉未嘗以無力諉却人議修郡學久而無成有司以君襄之工卒就汪氏故有祠基族人質於他姓君斥產倡贖鳩丁鼎新於是始遷祖以下乃有祠君旣負累深不能家食薄游錢唐暴中風疾卒時乾隆丙午九月四日也年五十三娶蔣氏監察御史和寧女能治其業寢門之內秩如也先君卒子四人瑩炎皆生員尙輝國子監生日煊孫一人達初將以某年月日葬於安尙鄉塘橋之原君性忼爽與人交不設城

府人或苦其直旋亦亮其無他客至輒羅酒肴盡款洽丁酉
戊戌之間君集同里莊君燧湯君大奎楊君望秦莊君沂及
余爲真率之會號飲中六友今君中道殂謝而湯君一官海
外且死鳳山之難矣悲夫銘曰

交道之媿兮厥心獨妯德而不訓兮世又奚尤水曲爲盍兮
永環此北一經之畱兮其報必收

例贈文林郎國子監生丁君墓誌銘

乾隆五十三年十二月戊申例贈文林郎國子監生丁君葬
於慈野王坤楞之原孤履端請爲刻辭烏虜趙之於丁累世
交好懷玉與履端又同歲生歲甲辰先生宜人棄養懷玉方官
京師今君之沒履端亦教習官學其境同懷玉畱滯未歸冀

邀告身爲親榮卒格於新例而未得履端思爲祿仕教習甫
滿名未入選人遽遭大故其私心之痛又同微斯之請固不
能已於言也矧又敢辭君諱傳甲字貫曾遠祖某自醴陵遷
常州世爲右族曾祖其懋祖來復皆諸生考廷讓由進士起
家終江西按察使妣沈淑人生三子君實居次幼而沉默得
祖母吳太淑人歡羈貫就塾畧勉者好冬夜夏日嘗手一編
蚊虻集其膚霜雪交於牖弗卹也按察公歷官福建江西佐
治官書悉當條理僚吏僣從莫能以私進按察以僞彙案論
戍軍臺君晨夕尉解奔走告貸以納緩請贖得釋當事重其
才競致幣聘謝弗往時吳太淑人已大載兩親尙康疆周還
庭聞非試事未嘗遠出以迄終養焉始君外舅某欲助其入

貴君雖不欲以他途進及按察公罷歸家雖落初志彌厲然
南北凡十應鄉試竟不售兄旣遠宦齊楚間弟亦久客家事
悉君庀之內外清整入其室蒞誦外無他聲以近時習染誠
其子弟曰吾家道素相承外間浮華不足倣亦不必倣聲勢
一去尖皮露質朝歎卓鄭晦泣顏原可勝旣乎故丁氏子弟
咸恟謹每學使者按吾郡戰藝輒冠其曹里中稱讀書有家
法者遑遑推局前丁氏局前者君所居地名也君歿逾年偶
與履端言其羣從之盛則泣然曰不孝輩幸識文義免流汗
下皆賴先子之教先之今大慰不克繼奈何余惟高明之家
頽棄世業論者多以咎其子孫然必爲之帥者有所自歎若
君雖不獲展其蘊於民社功豈在有位下哉君生雍正六年

十一月四日卒乾隆五十二年十月二十一日春秋六十娶董氏子二煙分發山東縣丞履端己亥舉人 咸安宮官學教習女一嫁謝潤君貌若渾然而崖岸自峻世交先達不輕致書其貧苦患難則通問罔缺晚得足疾疏於詣人獨重喪葬先宜人之葬也戚友先期設祖奠君適他適明日追弔於庭語懷玉所親曰人誰無死死如是亦足矣所親疑其不祥又明日而赴至悲夫銘曰

溫溫丁君克纘其先誦清芬兮攻於文辭勞迺不酬蹟有司兮韜英歛華以滋以培蘭茁芽兮游乎書林植乎禮經俾瀆澌兮得之曰命苟移於家亦爲政兮明明有懷搯臂之痛歸何遲兮惟善則昌庶幾後嗣永令名兮旣載旣固我銘其幽

尉疑墓兮

贈奉直大夫江西宜黃縣知縣王君權厝誌銘

乾隆五十五年夏兵部主事王青琮請假歸里踵門而告曰
先君沒五年矣情事未申幸得一第豈敢更緩而卜又不吉
將權厝於某鄉之原以俟大葬敢以墳記爲請按狀君諱光
燮字麗三世爲武進人考家梓清德未耀君九歲能屬文年
十四補邑生員乾隆元年以五經中順天鄉試舉人明年成
進士初選廣東博羅知縣調定安坐博羅遞書遲免復出令
直隸之雞澤權廣平移邯鄲復以會讞事免家居六年起署
江西之安遠改廣豐補宜黃母老乞歸養旣免喪簡發福建
累攝莆田將樂事補連江不就移疾歸治博羅甫視事投牒

者數百人無鉅細卽予勅斷兩月後積案一清治定安民有
犯淫擬辟繫獄者年甚幼君慮囚察其枉貰之治雞澤鑿邢
家隄建青龍閘通城濠水利濬溝七道建七利閘得溉田三
百餘頃沙河爲害縱橫二十餘里夏水漲舟行過邨落閘秋
涸始種麥君舍河畔召約民濬二旬而工竣沙患以寔建書
院招秀民肄業其中公餘輒過之經其指授多掇科第去值
歲旱盛衣冠禱赤日中首觸城東龍王廟石碑血殷瀆天遂
大雨血痕積久不滅京軍過臨洛關雞澤嘗出車五十輛故
事先期遣吏選民馬吏緣爲姦或詐增車值君按邨亭定出
車數書其值令民自撰爲至期乃會泊邨鄆時廐騎詣邊驛
假民馬役使民自具芻牧徵馬殆遍君爲區處貸富人馬十

而假一官爲商之繇滿還其主仆者予直夜隸吏繇宿南關
市逆旅數十家苦供億君捐廉俸別置舍官給資物市民賴
焉河東鹽池壞西商借長蘆引由漳滏兩河運所過郡縣爲
扶持各有餽謝君峻卻之左右或以爲言不可後事覺受者
皆望議治安遠女子謝英珠父沒虐於後母將嫁何氏擊行
娶者逐之歲除英珠泣祭父前母怒更擊英珠盡奪遺屬書
契傳其罪白縣君詰得狀召何趣成禮廷中俾御其妻歸治
廣豐雪徐氏兄弟之爲仇抵者爲復諸生服治宜黃禁私鑄
革溺女俗置育嬰舍舍之臨川飢民突入官舍奉檄會勘臨
川令欲窮治之久未決令勸偶起君畧問卽論笞杖有差令
還讞橐已具令不能奪免者數十人縣民牛兒少嘗盜竊人

物後贅婦家婦勸習恒業已十餘年牛舅犯賊往探之連坐
擬配君按無賊據遂釋牛曰吾不忍令賢女子失所也縣故
山彊民爭山多械鬪吏不敢誰何君言於大吏官山無糧民
各趨利便豪有勢者卽益兼并願一切令民認墾升科以息
爭訟大吏善之令通行部中斷獄大減初至閩海盜劫商舟
以行又掠得販者驅販者登商舟盡躍登販舟去商報縣行
捕識販者舟執而榜之強誣服君鞠商與販時曰互異召販
所嘗宿者寃始白攝莆田二十餘日釋前無罪繫者三十餘
人其直人輕枉罪多類此君前後爲令最久未嘗一遷秩然
所至多惠政去之日民必詣大府請留不得則涕泣送去後
益見思在將樂數病不視事素善子平術曰吾行年六十九

恐不利可長違首邱之義乎及補連江竟不就以乾隆四十五年二月卒年果六十有九配白氏候選州同知樟女端桐範撫庶子女咸有恩後君五年卒今耐厝於君禮也子六人育琮已酉進士兵部武選司額外主事實雲育璣俱國子監生育琪早殤育瑞育瑄孫五人成錦成鎰成鉞成鑑成鈞女五人舉人蔣純裕知縣許承志縣丞吳兆晉主事孫星衍生員劉埴之其壻也君性坦易不飾邊幅被服嘗垢敝遇達官貴人脫帽跣足如平人交貧士一藝之長必爲延譽旣居鄉於諸鄉先生中科最深又負人倫鑒後進請業無虛日懷玉與君諸子子壻叢交甚辱知厚君亦以所爲文相訂質有所獻替未嘗不欲然受烏虛可謂忘分樂善者矣銘曰

君之仁浹於民君之虔恪於神宜子孫繁且賢殞廣遠待表
阡

勅封徵仕郎例贈文林郎國子監生楊君墓誌銘

君姓楊氏諱詩南字端叔號可菴先世居山西元時有忠者
遷無錫之安陽山曰安陽楊氏高祖兆魯順治壬辰進士歷
官江西提學參議始居郡城占籍武進曾祖世亦密雲知縣
祖維坤候選訓導考燦以兄贈徵仕郎顯無子立君爲後君
事徵仕君以孝稱八歲祖母歿擗踊如禮年十二能作方丈
大字十五卽以國子監生應省試訓導君倡醉吟詩社一時
名宿咸集君旣聞緒論詣日益上然十應南北試往往薦而
不售歸益發憤或勸以貴爲郎弗屑也及第三子倫成進士

乃絕意仕進。觴詠自娛。諸子多捧檄以仕。倫亦屢主講席。爭欲迎養。君憚遠出。惟一至。福建之延平。逾年卽返。性坦率。胸無畦畛。有犯者未嘗與校。人亦久而自化。春秋佳日。攜孫曾輩步游城郭間。或靜坐一室。命酒獨酌。儀狀素偉。豐頤修髯。見者以爲神僊中人。乾隆五十九年夏。倫授江西貴溪知縣。過里門省君。倫行五日而病。病七月而卒。時五月十日也。春秋七十有四。所著有小蘭亭文集。樂志軒詩草。配孺人蔣氏。故里中望族。曾祖金式。祖鵬翮。皆知名於時。孺人之嫁姑已沒。徵仕君旋亦捐館。事無纖鉅。胥任其勞。內外咸井井待賓客。以禮課子。有法家貧而好施。雖竈妾漁婢必假辭色。故戚鄰皆嘖嘖孺人賢先君二十二年卒。年五十三。子六人。曾福

建將樂縣典史倫乾隆四十六年進士江西貴溪縣知縣京
生員廷煥湖北沔陽州州判廷贊增監生廷桂女二人壻曰
吳景默蔣承曾孫八人曾孫四人乾隆五十九年八月十九
日葬君於武進懷仁鄉之杜家邨孺人祔焉倫痛甫得祿仕
而養之不逮也郵書至都乞銘其墓予維由貧而富者處之
易由富而貧者處之難楊氏自提學以來席履豐厚及君而
不治家人生產又爲人所負遂中落君顧夷然不以爲戚乃
孺人亦能黽勉有無其安儉素以成君之高揚子所謂夫妻
反道維家之保者非與銘曰

北門之憂詠於邶風君迺相忘秉性則出憂何以殷交適故
也性何以出內有助也杜邨之宅若斧若堂我銘厥幽後其

克昌

朝議大夫河南河南府知府張君墓誌銘

君諱松孫字穉赤號鶴坪江南長洲人也世居崑山祖德純
占青浦籍中康熙庚辰進士官浙江常山知縣以文章政績
聞於時考之穎清德未耀贈朝議大夫前母許母蔣俱贈恭
人君少敏慧天性孝友能得親歡心朝議君沒居喪中禮家
故貧至是益甚將恭人家常熟依母氏以居君讀書吳門歲
時輒一歸省年十八從兄刑部郎中鳳孫初官於黔從至貴
陽爲巡撫侍郎客結交皆老宿世母顧恭人疾侍奉不異所
生未幾遭母喪道遠不能卽返時隱痛焉服闋自大吏至郡
邑官爭迎致幕下問關四方不暇攻制舉業喟然曰終日依

人作活非計也迺以束修之入入貲爲丞就挑河東河工河
帥張公師載深獎之有事莫不諮決借補山東東平州判攝
濟陽知縣擢泉河通判調河南之商虞再調儀考順堤河患
未寧請建七九十諸堡挑水土壩遂得穩固擢懷慶府黃沁
同知每遇培築身爲衆先故人多自效爲大學士誠嘉毅勇
公倚重調下北同知下北濱河尤關要害儲峙芟薪無有缺
乏銅瓦廂工水漫大吏頗以爲憂君以夫料易集可保無恙
卒如君言治河久於古人水利諸書皆能究悉原委旣擢四
川潼川知府念銅瓦當大河之衝久必爲害請築月堤後黃
水奔汛大壩潰裂賴此堤得全其不以去官諉事如此抵潼
川建義倉革里馬葺郡志修草堂書院建杜文貞祠諸所廢

墜罔不興舉中江民有貸金橫索而誣爲巨盜者安岳民有
失足墮河或疑其妻所殺者獄具君廉其寃皆得雪歲戊申
以久不展墓因事告歸假滿人都有

旨仍發四川以知府用及

召見以熟諳河務改發河南署歸德知府郡有貴家兄弟爭
財互訟數年未決君立拘至不假辭色旋取人乳使合飲之
委曲勸喻各感悟去充已酉監試官真授河南府知府首葺
城垣及文峯塔凡聖賢祠墓山水名勝以次修整焉迎恩寺
郡之名刹也乾隆十六年

上西巡駐蹕於此君捐俸經營有雙鶴翔於庭樹遠近傳以
爲異乃於寺東偏構來鶴堂環以池沼名之曰小滄浪以先

世系出中州頗有畱寓之意既往來河濱感受暑濕痰嗽間作未嘗告勞沁水隄工合而復潰君嘗預其役部議當左遷君泊不置意謂人貴知足仕宦四十年復何戀得以此解官養痾幸矣然積勞且久病竟不起生平篤於倫紀期功之親竝使得所外嫗或有陳乞亦必傾囊飲之守郡時增設文廟禮器行鄉飲酒禮購書籍貯書院厚生徒膏火其遴拔後進多成就家無負郭田惟好蓄研工書善詩所著甚夥或請梓行弗許也烏虜自常山君以來世以文學政事顯從兄刑部故有孝子君子才子之目君少從之游搗染有素宜其有以自見也懷玉爲張氏壻垂二十年君爲亡繼妻從兄顧宦轍各塗未得一見戊申夏薄遊大梁秋暮始歸是冬君卽有改

發河南之

命相距裁兩月耳後來都門君子智瑩已捷京兆試君又寓書相問是雖斬於晤言而知君之深者固不在晤言之迹也君生雍正八年五月四日卒乾隆六十年正月八日春秋六十有六配王氏繼配周氏咸有相德子三人長卽智瑩乾隆五十七年順天舉人仁瑞國子監生前君卒勇璞國子監生女四人其二未嫁卒壻曰柴友文王繼壻孫三人嘉慶元年九月葬於某原之新阡兩恭人耐焉禮也智瑩函書與狀乞銘其墓詞甚哀摯無以辭銘曰

邇君之系邾張其先以字爲氏後互稱焉其以張著實君曾祖爰居崑山爰籍青浦雲搏水擊世有達人幼躬燕後惟君

之身泉流交滌原隰如掌我銘厥幽做諸穹壤

朝議大夫廣西潯州府知府例封通奉大夫湯府君墓誌銘
例封通奉大夫廣西潯州府知府湯府君既歿之明年孤子
康業紹業自里中函書與狀來告葬期且乞誌墓懷玉於府
君爲世姻又辱知厚重以康業等數千里之請不敢以不文
辭按府君諱大寶字名書號蓉溪先世自吳郡徙常州之武
進考諱自任贈中憲大夫廣西左江兵備道清德未耀妣金
太恭人嘗以諸生五應鄉試不售中憲審君有吏才謂可致
諸用也爲人貲以同知需次選浙江之紹興一老吏以陋規
來探立杖之聲乃大起凡四運浙漕能悉其窳弊其運嘉興

漕值

大駕南巡漕艘頗碍水道乃嚴禁於壑潭列旌幟設香案
恭迎

上大悅賚彩幣荷囊各一二是役也漕使有津貼運弁之奏尙
書舒赫德公奉

命廉訊知君無他得邀輕議旋攝玉環同知曾亢旱米騰貴
玉環孤懸海外商販罕至君亟發倉平糶以官錢三百萬令
販戶轉輸并請撥温州倉穀濟之全活甚衆玉環田舊以三
則定賦因無魚鱗冊往往構訟君履畝親勘數月冊成訟遂
息嘗攝紹興府事再攝山陰縣事會海塘衝決勢綦危不待
申報立出庫帑令民自具薪葦築之而酬其直凡五晝夜築
工百四十餘丈上官聞報馳至隄已屹然成矣擢雲南澂江

知府祁故荒僻城無門譙樓亦圯把總署久廢寄居古廟中君捐金爲倡次第修整呈貢縣有長蕩灌田所資旱則南盈北涸民嘗爭水互鬪傷及官役邑令以聚衆報幾成大獄君勘得實視一生杖五人而已調開化與安南接壤兵弁散處村落爲築營舍居之郡自改流以來無志乘至是始編輯成書民食井鹽價苦昂請改食粵鹽價得減半有龍大黃者故土官之後頗爲民害以法懲之龍不敢肆總督某以賊敗上命大學士劉文正公往訊僞遺得罪者不少知君無染俾定其讞踰年丁中憲憂服闋補廣西之潯州首清潯關權稅平南貴縣舊皆煮穀曝之以納倉謂之熟穀往往蒸腐君慮之慮難驟易乃集士民於庭取生熟穀各半龔之得米相等

炊作飯多寡亦同曰是可以省煮曝之勞矣其習遂革江水驟漲田廬被災籌賑如在玉環遇旱時桂平某始以賤直買田既而原主乞增如時價弗得訟於官久不決至是以千金關說君貯其金而喻之曰汝不惜重貲欲杜其控也彼無所得終不甘而汝之行賕且未已何如以此畀之永杜其控乎輸金者媿服去郡人士科名不振葺講院延名師厚膏火以勸之乙酉丙戌捷鄉會者相繼兼攝梧州府事梧向爲胥吏舞弊多失額乃令有田無糧者一月中首報免債隱漏之數於是報者紛紛反逾於額再令田少糧多者自報遂與舊額相符民居牆屋多用竹易致火令各設水具備不虞城中無井取水皆遠汲於江爲鑿井數十民咸賴之所至與剔利弊

實力舉行類如此初不以久甦岐視也旋以余太恭人憂歸
既免喪或勸再出曰仕宦以榮親也兩親棄養復何爲時年
應五十五耳君生平多隱德其在紹興督運也同鄉旅殯之
寄京師者必記居址姓名於棺使糧艘載歸分送其家凡歷
四運皆然未嘗言倦家居後增祀田贍姍族兩遇大旱首先
倡賑他如普濟堂義塚育嬰恤接諸善事靡不殫力爲之暇
與里中耆宿仿唐宋人故事舉同甲九老諸會一時稱爲人
瑞歲甲辰

上六幸江浙率紹業迎於蘇州元妙觀

賞紉一端又以逮事祖父及見曾元

恩賜七葉衍祥扁額鄉里以爲榮公生康熙五十三年正月

二十七日卒嘉慶元年八月二十五日春秋八十有三配夫人繆氏江陰候選同知民址女所居濱江少遇颶風屋宇漂沒夫人室獨無恙人以是奇之旣嫁得舅姑歡君嘗患痢幾殆禱於神願以身代疾竟瘳先君五十年卒年三十五繼配夫人楊氏同里編修士徵女子五人雄業廣西布政使敦業國子監生康業山東直海州知州紹業候選府同知加郎中銜議敘四品頂帶溥業雄業敦業溥業皆先卒女三人壻曰楊義及汪彪李定國孫九人曾孫五人元孫一人嘉慶二年十一月某日葬於某鄉之某原啟繆夫人之厝而合窆焉禮也君方頤廣穎長身神明內涵而遇事能斷歸田三十載年德轉升門庭以內組紱輝映人皆艷羨稱道以爲桑梓所莫

及而君意念深遠歆然如弗勝蓋其所以處之之道審矣銘
曰
其行已也不溢不危其接物也不激不隨莫窺乎微徒羨厥
盛奕奕門基基於德政元堂載卜旣安且宜我無媿辭視此
刻銘

刑部奉天司主事金君墓誌銘

君姓金氏諱德輿字雲莊一字少權號鄂巖世居休宜之七
橋高祖諱瑜贈資政大夫康熙間始遷浙之桐鄉遂爲桐鄉
人曾祖諱學涓候選通判以積善聞鄉里稱爲長者祖諱用
楫候選州判考諱維詩候選州同例贈奉直大夫母朱氏例
封太宜人奉直君早世君爲遺腹生生而穎異七歲能爲詩

及長喜交知名之士然累試不售以貴為部主事乾隆庚子純皇帝五幸江浙君累獻書畫疊邀

賜紵是歲入都明年籤掣刑部奉天司行走時大學士文肅馮英廉公為尙書於僚屬不假辭色獨倚重君王寅正月聞朱太宜人病耗遂請急歸侍奉醫藥勞瘁備至四月而朱太宜人卒喪葬如禮既免喪澹於仕進好法書名畫及金石遺文蒐羅頗富客至相與品題有愛者或舉以贈尤好表章先德嘗屬懷玉撰玉蘭閣記述祖妣吳太宜人之賢奉直君喜讀史校善本之有裨於史學者六種曰史翼刊而行世朱太宜人晚年常誦佛經丐一時名流各書所誦經刻石戚友有撰述視其力為之鏤版以行嘗得岳祠銅爵忠武王祭器也

納之栖霞廟中復仿鑄一爵付郡城岳氏俾兩守焉其好事類此天性孝友朱太宜人素方嚴君愉色婉容事唯謹終鮮兄弟一姊待之甚篤事叔父如父視羣從無異同產嘗以休室遷浙已久欲於桐鄉別立交祠絀於力而止以友朋爲性命交際之道雖困必豐家亦因是大耗率售書畫以自給然自守殊介有干以非義之利弗顧也晚歲常僑居西湖縱爲文字之欣喜爲人作書乞者無倦色與歙縣鮑廷博石門方薰交尤善卒之日方已死鮑適至人皆異之君面豐上銳下於法不宜壽後得美髯髯人以為無患體素充忽羸瘠鬚髮亦頓白一病遂不起蓋其盡於中者久矣余初娶金氏卽君姊悼亡後往來罔間至必流連浹旬傾吐肝鬲王子秋送余

入都至揚州而別君泣不止心竊訝其不祥去秋赴至京師
余旣爲文哭之欲覩縷其行而未果今窀穸有期孤承蔭請
銘其墓余平生之交無出君右微承蔭請固將泚筆書之也
而忍無言乎君生乾隆十五年正月十九日卒嘉慶五年八
月初五日春秋五十有一配程氏例封宜人有壺德先君十
七年卒以六年十一月十一日甲申與程宜人合葬於嘉興
梅里之鳳皇浜禮也子一承蔭女三一適華亭朱光綸一適
富陽章光祖一未字銘曰

君才絕塵過則繫入官一年年五十廓然去來朝露溘斯人
止斯理難慙及山西迎如拱立面陽背陰佳氣納我銘其幽
庶幾合

欽定四庫全書

三

子

子 昶

校字

姪學彭

亦有生齋集文卷第十七

亦有生齋集文卷第十八

武進 趙懷玉 億孫

墓誌銘

資政大夫兼兵部侍郎都察院右副都御史總督淮揚等處
地方提督漕運海防軍務兼理糧餉管公墓誌銘

國家東南之利莫重於漕而弊亦最大數十年來克殫厥職
又以清操著聞者咸推清江楊勤恪公錫紱及滿洲鄂寶公
其後吾鄉管公實趾美焉公諱幹貞成進士時禮部改貞爲
珍乾隆六十年有

旨仍改原名字陽復號松崖自南宋以來世爲武進人曾祖
淑考職州同知祖棟國子監生考景賢乾隆元年舉人公在

劾左翼稅局濫罰牲隻及副指揮馬爲現改供縱犯勢要請
託概不得遂暇卽周行郊內外凡命案竊案捕之輒獲其視
天津漕場邨方封雇民舟爲撥船至數歲不得釋又牘外帮
有無弁無兵者公皆奏上之及視南漕幕無一人從容自理
時漕船回空多守凍公以打冰須先通下遊若治上遊則冰
凌下注益增堅厚如其法遂無守凍之患山東江南不雨雖
挑漕運河漕艘仍阻公具陳雨少河無源開壩遲前後之阻
有故因附陳河湖水利略言漕船之速在運河運河又以諸
湖爲水櫃誠使節節疏通雖遇旱澇可以節宣否則雨少無
籌濟之方雨多無容水之地至引黃入運亦一時權宜苟水
利充盈黃河全力下注運河自不致停沙又奏駱馬湖蓄洩

事宜所言皆中窾要竝得

旨議行其總督漕運首減浮款添給江西幫行月糧請畱直隸借款銀十萬兩交長蘆鹽政易賣鹽錢文濟楊卹諸幫撥價又請蘇州太倉押重運官仿江南通省例自水次到淮不得更換又請河南豁免緩徵停運減存之舟就近赴山東受雇撥運又請各幫水手短絳責成頭舵工以素識誠實之人充補免聚聚竊盜諸累皆

報可時各省開兌多至春初又在在遲畱遇水淺及河溢之年有在北河度歲者公嚴飭弁丁修艤受兌復冬兌冬開舊制速簽盤以免守候撤委員以絕滋擾嘗策馬躬自督催風雨弗避或不歸所乘舟支帳露宿微弁出力必親慰勞之運

丁舟人不用命立予懲罰當時或苦其苛急及回空省費無絲毫派累咸大悅服五十八年春積勞感疾奏請開缺

上命安心調理使總督書麟公就近兼攝乃不敢辭稍愈卽起視事然自是精力始耗矣初白糧運京倉勵卅之一偶值輪派以爲畏途會有新令令全運至京而未籌運費倉場侍郎使運丁以諸舟餘米給坐糧廳經紀代運浙江屢勉行之江南餘米少丁情不便公以咨部倉場奏江南次年已曾具結不應仍執初議部議鑄二級用公運次受替馳赴熱河行在面陳江浙情形不同旋奉有此後江浙白糧照舊運通之

行次日復

傳詢江南白糧運丁次年何以願行漕糧有無改運京倉及
運京之費何出公因押運各員尙未及見運費屬監督所司
竝以未能深悉覆奏再奉嚴議摺仍畱中會江南大吏疏中
有督糧道等曾以此事申告總漕未經批發語遂革職時丙
辰七月也公任漕運凡七載知無不言過當糾劾雖要人無
所顧忌時內外章奏多以其副白執政請可否公獨緘封直
陳以此頗爲當路憎嫉此又公卓然大節人或有所未盡知
也少孤貧事母至孝交友不以窮達易節身雖顯未嘗一日
去書五經皆有謨述諸史於有明一代尤稱淹貫詩文下筆
立就獨得雄直之氣旣罷官自以蒙

上特達之知未忍遽歸就逸僦居法源寺殉屏絕人事纂輯

生平未成之書或以歸計進輒怒然不語人亦無敢以此勸者居二年舊疾作以嘉慶三年四月二十五日卒於寓舍距生雍正十二年十一月二十二日春秋六十有五初娶史氏誥贈夫人持家有禮法攻苦食啖戚儻稱之先公十二年卒再娶史氏

誥封夫人子三適安河南濬縣縣丞署涉縣知縣後公一年卒適儀布政司理問職銜適羣女一未字孫二人貽菲貽葆五年正月葬公某鄉之某原夫人祔焉禮也懷玉交公垂四十載知公最稔其忍不銘銘曰

其才沛然兮其節卓然施於有政兮匪懈益勤初以爲苛兮久而歸仁在唐維晏兮在宋則僉一蹶弗振兮并厄其年

帝方嚮用兮曾不少延歿而誰嗣兮爲世惜人我銘其室兮
永固且安

文學莊君墓誌銘

君姓莊氏諱勇成字勉餘號復齋世爲武進右族科名仕宦
相望考紹平湖北宜城知縣生子二長暎陝西商州知州君
其次也弱不好弄長而有時譽宜城君故清貧去官後僦居
蕭寺時商州奉母先行童僕皆遣散君畱侍唯謹宜城君疾
病禱於神願以身代及卒倉卒中哀禮兼盡勿貽後悔旣還
家貧益甚與兄竭力養母式好無間言免喪補邑生員工制
舉業爲同輩所推服君益好學深思日進於古所爲詩文莫
不精賸乾隆二十七年

純皇帝南巡召試名列二等己亥鄉試已定十一名及榜發則江蘇卷踰額主司信手法之適去君卷少時同學竝登臚仕及門亦多掇科第君竟以諸生老世感惜之余於君爲忘年交甲申春始申縞紵之好其明年同獻賦吳下試江寧試罷同乘蹇驢從龍潭取道返自是聚散不一歲壬寅乞假歸省俯君舉吟社同會者程君景傳蔣君熊昌及君族子緇祖選辰它客或有增減此六人常在座每集拈題分體後各出鴈政務爲新奇以取勝往往達旦不止鄉黨友朋之樂是歲爲極盛今存者唯余與蔣餘則先後殂謝追念昔遊恍惚如夢中事矣君晚病目未嘗釋書所著詩集十四卷文集八卷正詩解十四卷傳世行遠庶幾在焉以嘉慶五年九月棄世

春秋七十有八配管氏有壺德先君四十二年卒繼配呂氏
子四人兆麒兆驥兆熊兆鼇女三人壻曰吳德星卞同正汪
元鼎八年十二月庚辰與管孺人合葬於江陰南湫之原禮
也孤兆麒等請銘其墓懷玉方奉先君子諱未卜葬而忍銘
君哉屢請不獲辭迺爲之銘曰

十誼不遇可云數奇天之昌之俾放厥辭矧丈夫子克承門
基紬暫信久而君又奚悲

廣西荔浦縣知縣楊君墓誌銘

君諱倫字敦五一字西河先代居無錫之安陽山曰安陽楊
氏及遷武進又爲郡中望族其世系詳予所爲文林君墓誌
文林君諱詩南君之考也國子監生以君貴贈文林郎績學

未仕里黨稱長者母蔣孺人文林六子君次居第三弱不好
弄九歲能詩文爲祖舅聽君和宦所器年十八補學生員自
郡縣及學使者試皆第一一時豔之以爲小三元云文林不
事生產蔣孺人歿家益落君告兩兄各任一弟撫之屢罷省
試去遊京師名公卿競相延接乾隆四十五年以增監生中
順天舉人明年成進士歸班候選四十九年應

純皇帝南巡召試名列二等五十八年選四川新都知縣親
老改掣山東之臨淄

特旨調江西貴溪甫至遭父憂歸免喪揀發廣西試容縣性
故迂緩及視事勤理庶獄每日訟不速結則胥吏夤緣作姦
而小民多鞫守之苦矣調署蒼梧釋無罪株繫者六十餘人

月餘補荔浦荔浦獠獞雜處民多樸陋舊有義學頗隘別創
正誼書院招邑人之秀者課其中澤俸與其前列士風丕變
每講鄉約見父老諄諄以孝弟大田使勸導祠宇橋梁之圯
者輒爲繕修暇則手一編自娛大吏章憲以出君手爲重值
計典巡撫已列君卓異未及入都而歿人咸惜之嘗主湖北
江漢江西白鹿洞講席在廣西三爲同考試官凡所甄拔皆
知名之士所著有杜詩鏡銓九柏山房詩文各若干卷其論
詩一宗少陵雖閒涉諸家必出於堂堂正正凡擗摭故實以
爲博繩索幽險以爲奇頽放其格律以爲性情之適者皆厭
薄之人以平易訾君弗恤也予與君居同里生同庚同月又
同歲舉於鄉自少及壯屢偕文酒之會嘉慶改元別都下遂

不復見君歿逾半載始聞其耗而予亦奉先君子之諱矣悲
夫君生乾隆十二年三月十二日卒嘉慶八年閏月二十八
日年五十七配孫氏國子監生烈女君年踰五十妾生一子
容兒三歲而殤以兄子汝諧弟子响爲後女二一適謝需德
一字舉人陸繼輅未嫁而殤孫二玉騏文駿以某年月日葬
於某鄉之原銘曰

人慕爲學登第則止君謂登第適學之始君貌豐下胡齧其
壽君德周身胡齧厥後不可知者天耶不可泯者言耶昔銘
文林出於我辭甫十霜而忍再銘君耶

陝西臨潼縣知縣陞商州直隸州知州莊府君墓誌銘

故商州知州莊府君沒之三載孤關和等卜兆協吉持狀請

銘君與先君先後歸田稱莫逆懷玉與關和兄弟少爲文字
交長孫穎曾又子女夫也世媼之好其何敢辭君諱映字兼
訥晚號學晦高祖起元明太僕寺少卿曾祖應曾荆部右侍
郎祖唱生贈文林郎考紹平宜城縣知縣莊於吾郡雖世通
顯至是已中落年十二從師鄉塾遇寒食還舍母鄒太宜人
呵之曰家貧方宜努力何令節之有而以歸爲復冒雨去往
返蓋三十里其勵學如此稍長從宜城君入都寄大興籍補
生員第一乾隆辛酉宜城之官念父遠道獨行遂不就試隨
侍入楚讀書之暇明習吏事未幾宜城墨議旋卒君先期已
奉母歸賓客僮奴之司篋庫者各散去君至按籍交納後令
無以難也免喪三試不售壬申中順天舉人以迴避格禮部

試戚友知其才勸速仕爲祿養計且以費因入貲爲令掾發陝西試汧陽補醴泉攝咸館調臨潼其在汧陽每讞獄輒疏其始末巡撫按邊問訟事繁簡見所判牘下州縣以爲法獄未允必與大吏力爭嘗因事面折巡撫明德公公怒甚終不爲屈及明德公戍新疆諸受拔擢者瑟縮退君獨周旋患難舉裘爲贈繼撫者陳公宏謀一見契合題授醴泉時烏魯木齊用兵添設中站驛馬少借給於民胥吏欲弗遂則斃所乘騎民大苦之君禁借民馬撥帑金買充募民之無業者職飼養使遞羽書皆樂用命比撤站賣馬還帑猶多羨金邑有衛丁數百家授田盡磽确且沙水爲患舊額重積逋五千金前官嚴迫弗得迺舉馬價所餘益以廉俸爲清積逋又請上

官減其糧額已卯充鄉試同考官校閱無遺憾其攝咸寧多積案未結有兩造死猶下牒拘訊者命吏呈牘則纍纍盈几檢視既周次第剖決案爲之空居醴泉五年輿情悅服去任獄無死囚在臨潼值歲侵斗麥錢五百他邑匿災不上或借採買重斂自肥君以實報得緩徵又捐金爲倡設粥廠施絮衣全活頗衆他邑民至者居以寺觀未嘗岐視會巡撫鄂弼公查社倉穀數虧者過半立限奏追時穀價三倍窮黎束手自布政以下莫敢申論君慨然曰民瀕死亡忍更鞭笞之邪歲已徧除馳至西安泣陳情狀請俟穀賤補償良久巡撫動容令以牒請牒上署可得通行展限迺擇穀之紅腐者減價糶之明年麥大稔以糶價糶償所虧適如其額是役也免千

萬人囹圄箠楚而於倉儲固未絲髮損仁心仁術殆兼有焉
明德公再撫陝西薦堪勝知府有

旨記名候陞然以母春秋高決意乞養及遷商州而君已就
道矣事紉太宜人生死無違禮與弟勇成甚友愛里居旣久
瞻窮乏息紛競人多賴之易簣之日索衣冠跣坐連呼曰樂
境化境遂暝以嘉慶六年九月十七日卒年八十四配宜人
徐氏翰林院庶吉士依孫女候選州同知純昭女賢孝有家
法勤身約已而處事各當爲媼族所師後君一年卒年八十
二嘉慶九年十月壬申合葬於南鄉菱港之原子六人關和
國子監生文和雲南永北直隸同知泉和國子監生廷綬國
子監生慶和同和縣學生員女七人呂蘭枝吳錫緒王育瑜

倪時慶楊炯汪和鼎汪燮其壻也孫十人孫女十人曾孫四人君棲神家術垂四十年伉儷偕老孫曾滿前人徒見其極林泉頤養之福而不知有足以致之者在也銘曰

勞以生息以死莊之先善終始人而神豈殊殊理樂與化得其旨宜子孫方趾美宅孔安永千祀

直隸威縣知縣丁君墓誌銘

君諱履端字希呂一字郁茲郁茲之字尤著丁氏自唐以來卽居常州考諱傳甲國子監生贈奉政大夫母董宜人皆子識其墓世系不復詳奉政二子長曰煌山東萊陽丞君其次也少以制舉業噪一時乾隆四十四年中江南鄉試舉人時年二十三屢試禮部俛得復失丁未四月榜將發都人喧傳

君名在第一既而仍下第蓋論文者或以擬君而聞者遂轉相告也 咸安宮教習期滿以父憂歸初選直隸之元城母老丐近改河南尉氏尉氏當孔道臨政接物公私無廢復以憂去去之日幾於不能治裝免喪仍發直隸補南宮首修東陽書院延名師主之由是士多掇科第時川楚軍興君護餉抵滹沱河風雨不能渡露宿河干無所得食至噉地瓜以解饑渴君勤於莅事而虛以折獄必使兩造盡其情辭然後反復導諭民有感而罷訟者王洛振者深冀間巨猾也積爲逋逃數以是致富人莫敢誰何賈人雷氏被竊賊言寄賊洛振家君摛而訊之遂吐實人咸稱快會洛振病死其子翻供控大府君迺被劾有

旨覆審一如初讞事始白焉後官員因事參革訊無別故者
皆許開復不得以初參革職無庸議著爲令方君之純議也
京朝士大夫莫不爲之扼拏太息深冀士民下及胥吏之能
文字者咸作詩歌送行其感人如此君旣復官初攝雞澤旋
補威縣威界山左民多健訟君以治南宮之法治之王甲爲
牛蹏傷足誣養牛者聚毆久不決君至一訊服李乙父死兩
月控爲族人所毆君曰父讐何事胡不卽訴使檢驗無實恐
爾不能當其罪也乙悔謝去嘉慶六年夏淫雨不止永定河
漫溢下流南注灌及田廬君亟籌堵築親勘戶口申請發賑
全活頗衆邑有義學久廢捐俸葺之顏曰洛陽書院暇輒親
選講課生童之試者遂倍於前八年正月修道畿東感寒疾

既而疽發於趾又多憂馴至不起年財四十八耳君孝於親
同懷一兄友愛甚至從子皆爲娶婦喜賓朋篤於交誼工駢
體文雖小簡牘率淵雋有致尤長於詩自南宮罷官後風格
益上予官京師日君嘗以書抵子謂此時雖貴躋卿相富埒
鄧卓無所戀唯未成進士則生平憾事子不謂然作書與辨
嗟乎君果以進士重哉君生乾隆二十二年十一月三日卒
嘉慶九年六月二十一日配楊氏以兄煌子國子監生嘉本
爲後女二楊壽高呂寶璐其壻也以嘉慶十年九月某日葬
某鄉之某原銘曰

君之二親銘未久迨君銘復出子手子年長君一加九喪存
壯沒理莫剖逝川無待窆則厚其人與文庶不朽

進奉大夫四川布政使司布政使

贈太常寺卿楊公墓誌銘

公諱揆字同叔一字荔裳楊氏之先自華陰遷常州再遷無錫祖孝元考鴻觀世爲名諸生皆以公貴贈如其官母顧氏封太夫人公生而聰穎八九歲時卽好涉獵史事塾師嘗以蘭是衆香祖屬對卽應聲曰梨爲百果宗問何出口南史張敷傳也長老異之年十四贈公去世從其兄今戶部郎芳燦學時戶部已名噪里中所交悉知名士公亦頡頏其間有二難之目南昌彭文勤公視學江左聞其才以兄子妻之入都爲國子監生兩試京兆不售乾隆四十五年

純皇帝五幸江浙

召試一等

賜舉人授內閣中書五十五年充 文淵閣檢閱入軍機處
行走明年廓爾喀酋長侵犯藏界誘執西藏丹津班珠爾等
稱兵肆掠富察嘉勇公福康安爲大將軍奏公從行五十七
年

恩賜花翎以內閣侍讀升用五十八年補侍讀甫逾月授四
川川北道六十年加按察使銜旋授四川按察使以勦禦苗
匪未赴任嘉慶二年正月加布政使銜二月補甘肅布政使
總統宜縣公奏准四川辦理軍務四年二月之官是歲十一
月調四川在甘肅四川皆代理總督事爲鄉試監臨官再典
武闈鄉試此歷官大略也其從征廓爾喀越日月山並星宿

海後隊遇大雪行李盡失糧糗不繼拾牛馬矢蘊火煮冰調
麥屑療饑夜則蒙裘露宿及抵濟隴山險不能容馬官兵皆
舍騎而徒每經絕陡則手足竝用嘗夜雨前途賊至進退無
所遂與同行者淋雨中擁背持踵以達旦
王師抵帕朗古廓爾喀惶懼乞降公以一書生履其間略無
失策超勇海蘭察公爲參贊最知兵聞公言輒云與我意合
爲宿將所重如此其任川北當黔楚逆苗煽動總督和琳檄
理軍務旋與嘉勇軍合攻下苗寨殲擒賊目嘉勇公封貝子
總督封伯爵公亦進秩時湖南北習教匪徒潛結醜類剽掠
邨堡攻擾州郡勢甚熾官兵頻有斬獲俄貝子卒於軍中總
督亦相繼歿衆心洶洶有

旨以額勒登保德楞泰二公接統大軍公設方略蒐軍實以
左右之由是壁壘一新其任甘肅爲公舊遊地凡城垣戶口
版籍財賦胸有成竹僚屬賢否亦瞭然於中故不煩而理其
任四川值賊竄擾道路梗塞總督魁倫調度失宜賊踣渡潼
河焚掠三臺中江縣境成都戒嚴總督逮問公撫輯難民調
察盜元旬日間流亡安集人心以宣於龍安松潘安設臺站
不繼總督勒保公則遠在軍營公乃直陳情形請發餉銀三
百萬幕客斂手思拂
上意疏入竟邀

俞允在蜀五年經畫雷波馬邊夷務及時戡功然頻歲軍興

庫帑略盡而糧員支餉則絡繹而至公衡量緩急權爲假貸
僅乃得濟而心神因之告瘁矣始公以儼直受暑誤服涼劑
致痰飲疾後忽復發遂至不起事聞得

旨照軍營病故例議卹

特贈太常寺卿廕一子入監讀書期滿以知縣銓選公與戶
部皆以文名又皆以武功著自傷少孤事太夫人色養備至
友于兄弟與人交不設城府爲文沉博絕麗下筆千言飛章
走檄洞中窾要廓爾喀平定當立碑紀功向多記室爲主帥
代作大將軍令卽署公銜名勒石番藏蓋文人奇遇也詩初
學長慶出塞後境日險句亦日奇駉駉乎入杜韓之室所著
有詩文集如干卷奏牘如干卷衛藏紀聞如干卷生乾隆二

十五年正月四日卒嘉慶九年五月十六日春秋四十有五
配彭氏封夫人子三曰承懋三品廕生候選知州曰承慧國
子監生曰承懋候選通判女一未字以嘉慶十一年某月日
葬於某鄉之某阡其孤來謁余文余以奏賦與公同舉庚子
公少余十有三歲方同官京師公處境尤困貧病至無以自
給一旦遭際海歷崇階而我馬驅馳精力亦頗能撐柱以爲
朝暮常致節鉞而壽亦未可量也乃財逾彊仕勞勩身殲如
余之漢晉無成者反操筆而誌其墓悲已銘曰
桓桓方伯智才絕倫詞賦通籍韻鈴致身教歷行間投轄克
濟時調文事而疎武備寄隆藩翰勳耀竹帛下士皈心元戎
側席胡天不弔鳳靡鸞叱星隕井絡愛遺岷峩

帝軫賢勞清卿進秩生榮死哀父作子述蜿螭者山濼洄者
谿我銘幽宮岸谷弗移

皇清奉直大夫翰林院編修洪君墓誌銘

君姓洪氏諱亮吉字君直一字穉存曾祖璟山西大同知府
祖公案考授直隸州州同贈儒林郎祖妣趙氏懷玉之王姑
也考翹國子監生贈奉直大夫妣蔣氏先世居歙縣之洪坑
大同君與先曾祖侍讀君同歲拔貢遂締昏姻儒林贅於趙
始爲武進人君生六歲而孤家貧就外家塾讀書聰穎出諸
同學上乾隆己丑年二十四補縣學生員朱學士筠視安徽
學往從之遊所交多知名士始君好詞章至是迺兼治經甲
午中副榜貢生庚子中順天鄉試舉人庚戌成進士

殿試一甲第二名授翰林院編修明年充石經館收掌及詳
獲官以舊書十三經多譌俗白總裁欲更正之未能從也王
子充順天鄉試同考官闈中拜視學貴州之

命故事未散館翰林無爲學政者蓋異數也在貴州奏請以
禮記鄭康成注易陳灝爲部議所格教士敦厲實學購經史
足本及通典文選等書俾諸生誦習所識拔者多掇科第去
由是黔中之人爭知好古丙辰充 咸安宮總裁丁巳三月
入直

上書房侍 皇曾孫奕純讀書戊午弟霽吉卒於家君以古
人有期功去官之義乃引疾歸己未正月

高宗純皇帝升遐赴都哭臨四月充

實錄館纂修官教習庶吉士八月乞假擬俟送

梓宮後南還時川陝之賊未靖

上宵旰焦勞君目擊情狀欲有獻替顧編檢例不奏事於是上書 成親王及座主朱尙書桂劉尙書權之冀其轉奏成親王以原書進呈大指謂

聖躬宜勤政遠佞臣工多奔競營私語過激有

旨交軍機大臣與刑部會鞫讞上當君大不敬擬斬立決特恩免死發往伊犁交將軍保筮管束當會鞫時子省之都虞司次日省之刑部獄第三日追送廣益門外雖勉以正誼而生死未卜泣不能忍君則辭意慷慨略無可憐之色未抵戍所將軍奏該員如蹈故轍當一面正法一面入奏奉

殊批此等迂腐之人不必與之計較因而得免庚申四月京師旱

上親書諭旨釋令回籍旋得甘雨

御製得雨敬述詩紀事有納言克己乃爲民請命之大端及將原書裝潢成卷常置座右以作良規之注計居伊犁甫及百日自新疆闕後漢員

賜環之速未有如君者自此枕菲墳籍放浪山水者十年卒得告終家術

上之成就而安全之者可謂至矣君旣歸自號更生居士好遊居里中鷗飲無虛日丁卯吾鄉歲侵首請當事設局振濟而自捐金爲倡主其事頗力城鄉之民賴以就蘇君厚於天

稟精力過人然明恩怨別是非少容人量進進負氣罵座子
好辨每與之爭至面頰發赤不止君嘗語予人孰無病要自
有其真耳君若後吾死銘誄當不出君手幸無失吾之真也
豈知斯言遂爲今日讖哉詩文涉筆有奇氣生平所著書凡
二百六十餘卷經傳訓詁地理沿革尤所顯明云嘉慶十四
年五月十二日卒春秋六十有四配蔣氏前君卒子五人館
孫嘉慶戊午舉人議敘知縣盼孫塲符孫國子監生胙孫齋
孫女一適江陰繆梓孫四人以是年十二月己酉葬武進德
澤鄉前橋祖塋之昭穴飴孫等來乞銘予旣與君中表又數
十年麗澤之雅周知始終無以辭也銘曰
君之制行唯孝友爰及宗婣如身與手君之致身在忠讜

主聖臣直令終高朗君之力學經爲基六書指掌九域列眉
君之行文古是則瓌瑋連犴疾馳電激吁嗟乎編修家邦之
華年甫協乎卦氣託體山阿調子言爲可信庶識石而弗磨
文學汪君墓誌銘

嘉慶庚午八月旣望雨沒苔砌風生桂枝婁縣朱子子鄂過
訪手注君書年行狀及君借秋山居詩詞示子且乞識墓曰
此君疾革時所屬也昔者張劭先卒巨卿見於夢中元相將
寔樂天銘於墓次契闊雖久彌留不忘知己之言能無徇乎
君諱大經書年其字七世祖可鎮自休寧遷浙之桐鄉曾祖
紹昌禮部行人司行人又遷秀水祖竣國子監生考藝鼎刑
部司獄改布政司埋問居經再徙桐山旣系本樂城世傳一

編少陵迺詩原必簡君生而岐嶷識早明通楊綰八座物能
辨乎四聲范雲誦詩日輒盡夫九紙年十七爲學官弟子逾
年補增廣生時秀水則請贊善錦輩主雞壇之盟錢塘則杭
編修世駿等具龍門之望高軒頻過紵衣閒投鄭莊少年及
攀大父之行李泌早慧嘗附小友之列聲譽籍甚交遊翕然
而君頗厭佔畢惟攻經史古錦在笥任坊機之亂投短檠照
帷勝隙光之長借年二十二贅於婁縣朱氏甥館是依壻鄉
遂隱地宜繞竹所居名修竹鄉能遊遑問主賓庭多種松著書頗忘
歲月以三泖九峯之勝爲久安長住之謀焉乾隆乙酉
純皇帝南巡召試名在二等拜大緞荷包如例邀

宸幄之品題便成國器披尙方之綺帛何異宮袍雖未用以

致身已靡慙於作手丁亥遭母憂甲午試京兆以從兄如藻
同考迴避丁酉充四庫館繕修嘗賦詩見知 質邸將聘爲
王府教授會理問君赴至不果迨免喪年四十七矣疆臺可
登弱水難渡牛心之炙爭啗鴻寶之祕莫窺麻衣席帽終未
還孤進之丹碧鱗紫尊肯再索長安之米於是西泛章贛南
浮湘灑觀岱宗之初旭曾聽雞鳴捫開母之殘碑更陟熊耳
名盛實副聲應氣求十行俱下不畱警勸之書一刺甫投已
倒逢迎之屣然而尚平累多馬卿遊倦苟詩酒之足寄卽鬻
醴而亦安得句而奚囊日投求書而戶限屢啟鑄金畫像目
無賈島之佛臥虎跳龍腕有羲之之鬼餘事工於三影豪情
付之百觚守終焉之志遠札徒招深逝者之悲故人尤密居

鄉以來行義可紀易簣之頃神志弗迷蓋能以立言爲歸合於聞道之旨者矣以嘉慶十四年五月二十二日卒春秋六十有九配朱氏廣西柳州府通判候補同知秀文女子四人本泰本豫本咸世達皆諸生孫七人今本泰等將以某年月日葬於某鄉之某原烏虜素車欲往誰爲舊館之脫驂元堂旣扁尙企華亭之歸鶴銘曰

繁汪之始出自越公厥後三遷聿來五茸五茸之佳維峯與泖君顧樂之棲遲以老有酒可頌有詩亦傳視彼窮達飄如雲煙君能知我敢孤君意勒辭貞珉永永勿替

清故三水巡檢趙君墓誌銘

君諱章玉姓趙氏字爾張少喪母又字思諼考諱覲男翰林

待詔妣陳安人繼妣繆安人懷王之從父舅也世系詳懷王
所纂待詔府君家傳君生未逾期陳安人卒大母黃恭人鞠
之九歲繆安人來歸事繼母惟謹友於伯兄於羣從中長余
六年余年十一始學爲詩君日寫唐人詩授讀自塾中出必
詣先宜人所先宜人向望頗切時門祚衰落外侮紛起君贈
詩以遠紹高曾和勛先宜人教懷王屬和焉歲己卯隨待詔
府君遷吳縣數寓書致離索之恨越十六年甲午待詔府君
復命君來常州居賜經堂新宅距舊居數武而近過從殊密
春秋佳日招攜朋好漿酒臙肉雖罄囊弗恤也生平以表章
祖德爲務遇譚先世軼事娓娓忘倦初王父副使府君哀恭
毅公以下文刊之獨兵部公文代稍遠購而未獲後吾父得

之以授懷玉則蒸毅公手錄本也君見而狂喜亟謀付梓於是四世之文咸備君於學兼涉子史尤工帖括在紫陽書院時尙書沈公德潛彭公啓豐先後主講席皆爲所知然自己卯至丁酉凡九試不售乃決去制舉業入貲爲從九品官己亥揀發廣東試三水司巡檢居二年病歸又二年卒於家君之歸也余適請急旋里因得時時慰問一日手一軸謂余曰此吾曩所寫真今病後形神大異願弟題之俾示吾子孫知吾未病時狀也癸卯十月待詔府君寢疾耗至時君沉繇牀第已久仍強起往省及瘡始還未幾余入都過別牀頭取玉小瓶爲贈執手睽視欲以身後相屬予恐傷其意以他語亂之制淚而出豈知兼旬之隔遂至不起哉君生乾隆六年七

月十八日卒乾隆四十八年十二月二十八日年四十三娶
王氏子一人學濂國子監生孫二人慶長慶齡以五十二年
十月庚子葬於武進欽風溝之原學濂泣而請銘且曰知先
子之深莫如叔父烏虜懷玉而忍銘吾兄乎君位卑官又不
久無所措施其就余所見者僅如此然雖爲政可推已銘曰
昔和仲銘與伯淳表人言不間胥厥弟造我文則遜情實視
之孰云羣從而異同懷棲鸞之鄉趙氏攸起君兆邇焉庶幾
趾美趾美維何翼翼民民不逢不若闕此厚窀

龔伯讓壙誌銘

伯讓姓龔氏諱迎恩世居武進縣之新塘鄉族繁而多聞人
故其地又名龔巷父顯祖字孝申歲貢生余受業師也伯讓

生二歲患痘幾死自是恆多病四歲入塾六歲五經周禮皆
卒業七歲又患瘧三年而後止孝申先生客授於外攜以自
隨恐其弱不任讀常令聽講伯讓默自誦習學日益進年二
十七爲學生員己亥庚子癸卯三應鄉試不售館城中湯氏
主人官廣西雅重伯讓欲延之去許入貲爲國子監生送試
京兆又龔氏宗人有籍廣西者可謀寄籍遂行及至事多
拂意欲歸不能抑鬱成疾乾隆五十年十一月毒發領下卒
於南宮官舍年三十有四耳君性迂謹而善憂與人言呐然
不出諸口然勤學弗輟好爲湛深之思嘗與舍弟搢之同赴
省試人定後輒託言倦勸搢之就寢俟衆人皆寢潛起挑燈
往往達旦蓋恐奴輩之久待而或怨之也其用心之苦多類

此君歿之明年棺始歸里葬天井岸西許家邨娶宜興何氏子二人家生楚生銘曰

得一衿行萬里憂傷人乃客死緒未申以俟子堂斧存安厥止

戶部廣東司員外郎前甘肅靈州知州楊君墓誌銘

嘉慶丙子夏吾友楊君才叔喪歸自蜀是冬其孤承憲手狀請銘其墓予與君交四十載君仲弟布政與予齊年比歲又先後主關中講席無以辭君諱芳燦號蓉裳才叔其字世爲無錫人曾祖宗濂祖孝元考鴻觀清德未耀竝以君仲弟揆貴贈通奉大夫甘肅布政使妣顧氏封太夫人君生前一夕母夢五色雀集庭樹生七月卽能識楹帖字不誤四歲讀四

子書竟能背誦唐人古今體詩八百餘首稍長從舅氏顧君遊爲詩時得佳句君世父潮觀四川邛州知州故名宿君兄弟與羣從中表皆以才名里中諸老折輩行交之年十九爲金匱縣學生員名第一試江寧見賞於袁大令枚南昌彭文勤公視學江蘇每試輒冠其曹旋遭父喪免喪爲丁酉選拔貢生

廷試一等以知縣用發甘肅文勤聞之致書惋悵君亦忽忽若有所失己亥赴甘肅攝西河環縣旋補伏羌乾隆四十六年四月河州循化逆回蘇四十三爭教事起攻陷河州初安定回馬明心倡立新教從者頗衆至是與老教構釁遂起事布政王廷贊誘明心執之羣回以索教主爲名進攻蘭州會

英勇阿桂公嘉勇福康安公先後率師至賊始破滅當兩教
搆覺伏羌回馬得建等十六家斂銀爲訟費事平後獄詞連
及臬使馳驛至縣嚴鞠之其家屬數百人滿城號哭勢洶洶
君以得建斂銀在蘇四十三起事前與從逆有問力爲申辨
遂祇論得建等免其緣坐闔城帖然以其暇修朱圉書院與
姜伯約祠明年邑西南天門山石鼓忽鳴相傳鳴則主兵君
旣修築縣城復請減耀以備倉貯未幾回匪田五果起石峯
堡召募鄉勇設立堆卡日費數百緡或曰賊氛尙遠如此糜
費奈虧空何君曰虧空不過死我耳與一城生靈全家性命
孰輕重耶旣而賊掠固原攻靖遠擾安定城中馬稱驥等約
爲內應獲奸細始知亟捕稱驥等皆持械抗拒格殺四人然

後就縛方欲請兵賊已大至焚燒郭外民居火光燭天時城上兵民雖衆而非精練舊有獵戶鳥鎗每發必中選得三十餘名以資捍禦賊頗畏之君則懷印佩刀登陴固守賊鎗箭雨集城上亦矢石交下如是相持凡五晝夜當是時援兵不至人心皇皇忽有步騎絡繹從東北來離二十餘里而止是夜賊攻圍益急衆疑賊黨續至君召獄中積匪李五脫其械謂之曰官兵已到特未知領兵者何人汝能往探得實當賞汝罪卽以印文畀之使馳城出時天猶未明日出時李五返則胸懸銀牌亟挽之上乃曰領兵者總督也探懷出銀牌十批其印文云孤城困守烽火連天不意書生當此重任實堪嘉尙馬稱驥等卽於城內正法母以援兵卽至稍有疎虞君

傳示四城酌給銀牌鼓勵民勇歡聲如雷官兵與賊接仗前後殺賊五百餘人賊膽落不敢復偏方賊屯天門山入夜潛來攻城寂無燈火是夜忽列炬數千迨曉而衆已遁矣初賊首張文慶子張太以舉發內應憾馬映龍因言與其父通約五日後獻城以官兵突至未果有檄逮訊君知其寃卽與偕往見英勇公曰首發內應者映龍果欲獻城將約爲死黨何肯舉發且獻城必於五日後俟守者力盡耳伏羌向無官兵民夫皆烏合之衆賊至卽獻何必五日公曰彼爲馬得建子肯助我耶君曰得建之案吏議已照叛逆公免其緣坐映龍言之往往感泣正欲得一當以報公耳公曰爾能保之乎君曰非特芳燦保之同守城者皆願保也會衆投具保狀公乃

釋然立命出之軍務竣以守城功上有

旨以知州題補丁未補靈州丁巳靈州歲饑州民有搶奪者
里長張皇具報市門悉閉闔邑驚疑君曰此饑民耳可無慮
卽馳往慰撫白上官借口糧旣發倉散給又設立粥廠械搶
奪爲首者以示民情翁服戊午權平涼知府會君仲弟授甘
肅布政例迴避以久於風塵備嘗艱險不樂居外改捐員外
郎在戶部廣東司行走尙書朱公珪舉爲會典纂修官旋爲
總纂修甲子布政卒於任將告歸以書垂成不准乞假時季
弟英燦已奉母南下布政已遷江甯乃先遣子歸省丙寅京
居日貧又念親墓切得心疾聞人大言疾步輒蹶氣震怖旋
遭太夫人憂質寓中書繕爲舟車費歲暮達江甯悲勞臻至

容髮自此衰矣明年冬葬顯太夫人於嵯峨灣戊辰主衢州
正誼書院杭州詒經精舍己巳陝西巡撫延主關中講席庚
午諸生捷秋榜者二十二人一時稱盛辛未蜀中大吏延修
省志適季弟題補安縣君遂赴蜀以便往來其間癸酉在成都
都忽遭危症久始稍痊時予已在關中亦嬰末疾秦蜀尙邇
書問時通嘗爲子撰詩文集序乙亥志局將成君欲南歸蜀
中當事力挽增修脯至千金遂勉畱是冬在安縣偶感寒疾
遂不起嗚呼始君與布政皆以詞藻顯旣而竝著戰功俱可
不朽然君少予六年布政且少予十有三歲乃兩人志墓之
文咸出予手予之衰疾頽廢反塊然獨存斯可哀已所著有
真率齋藁十二卷芙蓉山館詩詞藁十四卷駢體文八卷行

世又集外詩四卷文四卷藏於家君生乾隆十八年十二月十八日卒嘉慶二十年十二月二十一日春秋六十三配徐氏封宜人子二承憲候選府經歷承惠候選縣丞爲從兄掄後承卬州大宗女三人直隸景州知州秦承祐山東臨清州州判龔瑞毅候選通判張嗣敬其婿也孫二人應韶應融以嘉慶二十二年九月甲寅葬無錫擘峒灣祖塋之昭穴銘曰才陵六朝命寄百里研京練都捍城築壘經緯兼之中外歷只胡爲駸駸而遽中止我銘無媿百世以俟

子 昶

校字

姪 學 彭

亦有生齋集文卷第十八

亦有生齋集文卷十八

五